

ADDYSG UWCH: POLISI FFI OEDD DYSGU RHAN-AMSER 2020/21

Os ydych yn cofrestru fel myfyriwr rhan-amser, dylech ddarllen a deall y telerau cofrestru a amlinellir isod cyn llofnodi'r ffurflen gofrestru. Mae'n arbennig o bwysig eich bod yn deall eich atebolrwydd a'n polisi ynglŷn â thaliadau ac ad-daliadau.

Ceir rhestr lawn o ffioedd dysgu'r Coleg yn Atodiad 1. Bydd myfyrwyr nad ydynt wedi sicrhau cymorth gan Gyllid Myfyrwyr Cymru neu eu cyflogwr yn atebol yn bersonol ar gyfer talu'r holl ffioedd dysgu.

MYFYRWYR RHAN-AMSER NEWYDD

Gall myfyrwyr rhan-amser wneud cais am Fenthyciad Ffioedd Dysgu hyd at £2,625 i gyflenwi cost eu ffioedd dysgu. Bydd hyn yn amodol ar feini prawf cymhwyster. Rhaid eich bod yn astudio ar ddwystr cwrs o 25% o leiaf i gael grant a benthyciad.

Hefyd gall myfyrwyr rhan-amser gael cymorth ariannol ar gyfer costau byw. Mae'r cymorth ar ffurf cyfuniad o grantiau a benthyciadau (yn dibynnu ar gymhwyster). Mae'r rhain yn cynnwys:

- Benthyciad cynhaliaeth hyd at £4,684 (yn ddibynol ar incwm y cartref a dwyster y cwrs astudio)
- Grant Dysgu Llywodraeth Cymru (WGLG) o o leiaf £250 a hyd at £4,500 (yn ddibynol ar incwm y cartref a dwyster y cwrs astudio)

Yn ogystal gall myfyrwyr wneud cais ar gyfer Cronfa Galedi'r Coleg (Atodiad 2) ac efallai y byddant yn gymwys ar gyfer ystod o gymorth ychwanegol os oes ganddynt blant, oedolion dibynol, anabled neu gyflwr iechyd.

CYLLID MYFYRWYR CYMRU

Caiff yr holl geisiadau am fenthyciadau a grantiau eu trin gan Gyllid Myfyrwyr Cymru. Gellir dod o hyd i wybodaeth fanwl ynghylch sut i wneud cais a pha gymorth sydd ar gael yn: studentfinancewales.co.uk Ffôn: 0300 200 4050

TALU FFI OEDD AC ATEBOLRWYDD

Eich cyfrifoldeb chi yw sicrhau bod gennych gyllid digonol yn ei le cyn eich bod yn dechrau ar eich astudiaethau ac yn mynd i gostau ffioedd. Gofynnir i fyfyrwyr rhan-amser wrth gofrestru a ydynt:

- 1) yn talu eu ffioedd eu hunain
- 2) yn cael eu cefnogi gan eu cyflogwr
- 3) wedi gwneud cais am gymorth gan Gyllid Myfyrwyr Cymru

Os ydych yn talu eich ffioedd eich hunain caniateir i chi dalu mewn 3 cham ar y mwyaf os yw'r ffioedd yn fwy na £400, a thrwy hyn dylid cwblhau gorchymyn Debyd Uniongyrchol wrth gofrestru neu dylid ei ddychwelyd i'r **Gofrestrfa**, erbyn **30^{ain} Hydref 2020** fan pellaf. Dylai proffil y taliad Debyd Uniongyrchol fod fel a ganlyn:

Taliad 1	Taliad 2	Taliad 3
33.3% o'r ffi	33.3% o'r ffi	33.3% o'r ffi

Anfonir anfoneb atoch o leiaf 14 diwrnod cyn y taliad debyd uniongyrchol cyntaf, a fydd yn cadarnhau'r dyddiadau ar gyfer casglu'r ffioedd a'r symiau a gesglir. Bydd yr anfoneb wedi'i marcio 'Er Gwybodaeth yn Unig'. Gwaetha'r modd, dim ond trwy ddebyd uniongyrchol y caniateir taliadau mewn camau.

Os yw eich cyflogwr yn bwriadu talu eich ffioedd yna mae rhaid i chi ddod ag Archeb Pwrcasu'r Cwmni, neu lythyr yn datgan y bwriad i gefnogi ar bapur â phennawd llythyr eich cyflogwr yn nodi at bwy y dylid cyfeirio anfoneb ac yn nodi unrhyw rifau archeb/cyfeiriadau ac ati y mae am iddynt gael eu dyfynnu ar yr anfoneb. Fel arall, cyn cofrestru gallwch chi ofyn am ffurflen y coleg "Awdurdod i Anfonebu Cyflogwr/Noddwr am Ffioedd Cwrs" oddi wrth y Gofrestrfa neu unrhyw Swyddfa Gampws, er mwyn i chi a'ch cyflogwr ei llenwi. Unwaith y cwblheir y ffurflen dylid ei dychwelyd i'r Gofrestrfa neu ei chyflwyno adeg cofrestru.

Os ydych yn hawlio cymorth gan Gyllid Myfyrwyr Cymru mae'n hanfodol eich bod yn rhoi gwybod i Gyllid Myfyrwyr Cymru eich bod yn mynychu'r Coleg cywir. Mae Coleg Sir Gâr, Coleg Ceredigion ac Ysgol Gelf Caerfyrddin i gyd yn rhan o Grŵp Prifysgol Cymru: Y Drindod Dewi Sant. At ddibenion ffioedd rhaid i chi ddyfynnu: **Prifysgol Cymru: Y Drindod Dewi Sant** ar eich holl ffurflenni wrth ddewis eich sefydliad a Choleg Sir Gâr neu Goleg Ceredigion wrth ddewis lleoliad eich astudiaeth.

Gofynnir i fyfyrwyr ddarparu prawf o'u cyllid adeg cofrestru. Os ydych yn parhau i fod yn y broses o hawlio cymorth gofynnir i chi ddarparu'r wybodaeth sy'n ofynnol o fewn y 28 diwrnod sy'n dilyn. Os ydych yn dal i fod heb ddarparu'r wybodaeth hon cewch eich anfonebu'n llawn am eich ffioedd er mwyn sicrhau eich bod yn ymwybodol o'ch atebolrwydd i'r Coleg am eich ffioedd.

TYNNU NÔL AC AD-DALIADAU

Os ydych yn meddwl am roi'r gorau i'ch cwrs mae'n bwysig eich bod yn ceisio cyngor ar y cyfle cyntaf er mwyn sicrhau eich bod yn ymwybodol o'r holl oblygiadau wrth wneud eich penderfyniad. Rhaid i chi hysbysu'ch tiwtor a'r Gofrestrfa yn ffurfiol ar unwaith os ydych yn penderfynu tynnu nôl o'ch astudiaethau neu eu gohirio, gan gadarnhau dyddiad olaf eich presenoldeb. Os ydych yn hawlio cymorth, dylech chi hefyd gysylltu â Chyllid Myfyrwyr Cymru oherwydd gallai'r ffaith eich bod wedi tynnu nôl beryglu eich hawl i gael cymorth ariannol yn y dyfodol.

Rhoddir cyfnod gras o bythefnos o ddechrau eich cwrs pan na chodir ffioedd. Yn dilyn y cyfnod gras o bythefnos bydd y telerau canlynol yn gymwys ar gyfer taliadau, yn unol â thelerau ac amodau Benthyciadau Myfyrwyr, sef:

Term 1 : 5 Hydref 2020	25% o'r ffi blynyddol
Term 2 : 5 Ionawr 2021	50% o'r ffi blynyddol
Term 3 : 12 Ebrill 2021	100% o'r ffi blynyddol

METHU Â THALU FFI OEDD

Os ydych chi ar unrhyw adeg yn cael problemau wrth dalu ffioedd, siaradwch â'ch tiwtor neu ewch i geisio cymorth gan staff Cefnogi Dysgwyr sydd wedi'u lleoli ar eich campws.

Ni chaniateir i unrhyw fyfyrwr sy'n cwblhau blwyddyn academiaidd heb dalu ffioedd i ailgofrestru ar gyfer y flwyddyn academiaidd nesaf, hyd nes telir yr holl ffioedd sy'n weddill yn llawn. Gall methu â thalu am unrhyw gostau nwyddau neu wasanaethau a godir arnoch gan y Coleg arwain at gymryd camau Llys Sirol i adennill y swm/symiau sy'n weddill. Gellir hefyd defnyddio Asiantaethau Adfer Dyledion annibynnol i geisio casglu unrhyw ffioedd sy'n weddill, gyda chost gwneud hynny yn cael ei hychwanegu i'ch dyled. Os bydd angen gweithredu yn y modd hwn, gellir defnyddio Gwybodaeth Bersonol a ddarparwyd gennych er mwyn cwblhau gwiriadau gwrth-dwyll priodol. Mae'n bosibl y caiff Gwybodaeth Bersonol a ddarperir gennych ei datgelu i asiantaeth cyfeiriadau credyd neu atal twyll, ac mae'n bosibl y cedwir cofnod o'r wybodaeth honno.

Atodiad 1

TALIADAU FFI OEDD DYSGU A CHOFRESTRU ADDYSG UWCH RHAN-AMSER			
Cwrs	Ffi Llawn	Fesul credyd	Ffioedd eraill
HNC (60-80 o greddyau)	£ 1,806	£ 30.10	Yn cynnwys ffi cofrestru
HNC 2il flwyddyn (60+ o greddyau)	£ 1,755	£ 29.25	
HNC 2il flwyddyn (40 o greddyau)	£ 1,170	£ 29.25	
HND blwyddyn ychwanegol	£ 1,806	£ 30.10	Yn cynnwys ffi cofrestru
Gradd Sylfaen blwyddyn 1 ^{af}	£ 1,806	£ 30.10	
Gradd Sylfaen 2 ^{il} flwyddyn	£ 1,755	£ 29.25	
Gradd Sylfaen 3 ^{edd} flwyddyn	£ 1,506	£ 25.10	
BA/BSc blwyddyn 1 ^{af}	£ 1,806	£ 30.10	Yn cynnwys ffi stiwdio
BA/BSc 2 ^{il} flwyddyn	£ 1,755	£ 29.25	Yn cynnwys ffi stiwdio
BA/BSc 3 ^{edd} flwyddyn	£ 1,506	£ 25.10	Yn cynnwys ffi stiwdio

BA/BSc Blwyddyn 4-6	£ 1,287	£ 21.45	Yn cynnwys ffi stiwdio
Tystysgrif Broffesiynol mewn Addysg i Raddedigion/Tystysgrif Broffesiynol mewn Addysg Blwyddyn 1 ^{af}	£ 1,986	£ 33.10	
Tystysgrif Broffesiynol mewn Addysg i Raddedigion/Tystysgrif Broffesiynol mewn Addysg 2 ^{il} flwyddyn	£ 1,986	£ 33.10	

Atodiad 2

CRONFA GALEDI ADDYSG UWCH: MYFYRWYR LLAWN A RHAN-AMSER: 2020/21

Mae hon yn ffynhonnell ychwanegol o gymorth ariannol ar gyfer unrhyw fyfyrwr sydd wedi cael Benthyciad Myfyriwr (os yw'n gymwys) ac sy'n profi caledi ariannol. Rhaid i ymgeisydd hefyd ddangos ei fod ef/hi wedi edrych ar bob ffynhonnell ariannu arall, gan gynnwys ei ddarpariaeth gorddrafft, cyn y gellir ystyried cais.

Mae cymorth ariannol ar gael i unrhyw fyfyrwr yn y Deyrnas Unedig neu'r Undeb Ewropeaidd sy'n astudio o leiaf cyfwerth â 50% o gwrs llawn amser. Gall myfyriwr wneud cais am gyllid ar unrhyw adeg yn ystod y cwrs a gall ail-ymgeisio os yw mewn trafferthion ariannol. Fel rheol, nid oes angen ad-dalu arian. Am fwy o wybodaeth cysylltwch â:

<p>Y GRAIG Debbie Williams 01554 748036 Coleg Sir Gâr, Campws y Graig, Heol Sandy, Llanelli SA15 4DN ✉debbie.williams@colegsirgar.ac.uk</p>	<p>RHYDAMAN Jamie Davies ☎01554 748305 Coleg Sir Gâr, Rhydaman, SA18 3TA ✉jamie.davies@colegsirgar.ac.uk</p>	<p>PIBWRLWYD/FFYNNON JOB/Y GELLI AUR Ann Thomas ☎01554 748070 Coleg Sir Gâr, Campws Pibwrlwyd, Caerfyrddin SA31 2NH ✉filipe.nunes@colegsirgar.ac.uk</p>
<p>ABERTEIFI Caryl Rockley ☎01239 612032 Coleg Ceredigion, Aberteifi, Maes y Parc, Aberteifi SA43 1AB ✉caryl.rockley@ceredigion.ac.uk</p>	<p>ABERYSTWYTH Meuris Lewis ☎01970 639700 Coleg Ceredigion Campws Aberystwyth Llanbadarn Fawr Aberystwyth SY23 3BP ✉meuris.lewis@ceredigion.ac.uk</p>	

